

INFORMACIJA
O ZAJMU EVROSPKE BANKE ZA OBNOVU I RAZVOJ (EBRD)
ZA PROJEKAT IZGRADNJE GRADSKIH SAOBRAĆAJNICA U SARAJEVU

Kanton Sarajevo se u augustu 2008. godine Pismom namjere obratio Evropskoj banci za obnovu i razvoj (EBRD) za financiranje Projekta izgradnje gradskih saobraćajnica kreditnim sredstvima. Svoju zainteresovanost i spremnost za finansiranjem ovog Projekta u vrijednosti 37,5 miliona EUR, Banka je iskazala potpisivanjem Mandatnog pisma sa Kantom, u martu 2009. godine. Projekat je uvršten u Program javnih investicija Kantona Sarajevo za period 2009.-2012. Svoje opredjeljenje za finansiranje prioritetnih projekata, Vlada Kantona je potvrdila donošenjem Zaključka o prihvatanju projekta 24.09.2009. godine.

U vezi sa navedenim 08.09.2011. godine u Londonu su održani pregovori vezani sa predloženim zajmom koji će biti od strane EBRD-a proslijeđen Bosni i Hercegovini u iznosu od 16,5 mil. EUR-a. Bosna i Hercegovina će pod istim uslovima sredstva zajma supsidijarnim ugovorom proslijediti Federaciji Bosne i Hercegovine, a Federacija će Zajam dalje proslijediti Kantonu Sarajevo, odnosno Ministarstvu saobraćaja Kantona Sarajevo-Direkcija za puteve Kantona Sarajevo.

Osnovni cilj Projekta je proširenje i modernizacija dijela gradske saobraćajnice u Sarajevu na dvanaestoj transfezali sa dvije trake na saobraćajnicu sa četiri trake u dužini od 900 m, uključujući proširenje i završetak Stupske petlje. Također Projektom je predviđeno i proširenje i modernizacija dijela gradske saobraćajnice na Južnoj longitudinali sa dvije trake na saobraćajnicu sa četiri trake u dužini od 2,4 km i konsultantske usluge inžinjerskog nadzora u vezi sa radovima.

Uslovi pod kojim banka odobrava kredit su:

- iznos zajma 16,5 miliona EUR
- rok otplate.....15 godina
- grace period.....3 godine (uključen u rok otplate)
- kamatna stopa.....EURIBOR + 1% marža
- dospijeća.....polugodišnje (15. februar i 15. august)
- naknada za kredit.....1% na iznos kredita, jednokratno
- naknada za nepovučena sredstva..... 0,5%

S obzirom da je jedan od uslova za zaduživanje kod EBRD riješeni imovinsko-pravni odnosi na trasama saobraćajnica, a koje se ne mogu finansirati kreditnim sredstvima Banke, Kanton Sarajevo je pokrenuo procedure za rješavanje istih. Obzirom da se radi o značajnim sredstvima, koje nije bilo moguće obezbijediti iz Budžeta, u prvooj fazi projektne aktivnosti će se realizovati kreditom EBRD u iznosu od 16,5 miliona EUR.

Vlada Federacije Bosne i Hercegovine je na svojoj 17. sjednici održanoj 05.09.2011. godine donijela Zaključak kojim je podržala inicijativu Kantona Sarajevo da se kreditnim zaduženjem osiguraju sredstva za realizaciju Projekta. U tački V navedenog Zaključka definisano je da će dalje procesuiranje ovog kreditnog zahtjeva kao i sva ostala

zaduženja Kantona Sarajevo biti uslovljena okončanjem procedura supsidijarnog prenosa obaveza između Ministarstva finansija i trezora Bosne i Hercegovine, Federalnog ministarstva finansija, Kantona Sarajevo i KJKP „Toplane“ d.o.o. Sarajevo, po kreditima IDA TF 24034/38970, 29030 BOS i 30290 BOS.

Skupština Kantona Sarajevo je svojom Odlukom broj: 01-05-6815/10 od 31.10.2010. godine donijela Odluku o davanju garancije za servisiranje obaveza po kreditima Svjetske banke IDA TF 24034/38970, 29030 BOS i 30290 BOS za krajnjeg korisnika KJKP „Toplane“ Sarajevo kojom se Kanton Sarajevo obavezao da će garantovati Federaciji BiH uredno servisiranje obaveza do kraja otplatnog perioda i refundaciju do sada plaćenih obaveza po navedenim kreditima ukoliko krajnji korisnik KJKP „Toplane“ Sarajevo ne bude izvršavalo obaveze po kreditima. Obzirom da podugovori o prenosu obaveza na krajnjeg korisnika bili dostavljeni Kantonu Sarajevo, te da isti od strane Kantona nisu bili potpisani, Federalno ministarstvo finansija-financija postupajući u skladu sa zaključkom Vlade Federacije BiH obustavilo je procesuiranje novih zaduženja.

Na zajedničkom sastanku održanom 19.04.2012. godine u zgradi Vlade Kantona Sarajevo kojem su prisustvovali predstavnici Kantona Sarajevo, predstavnici Evropske banke za obnovu i razvoj (EBRD) i predstavnici Federalnog ministarstva finansija-financija postignut je dogovor oko prenosa obaveza po naprijed navedenim kreditima Svjetske banke na krajnjeg korisnika, te da će se potpisani podugovori od strane Kantona Sarajevo biti dostavljeni u roku od 30 dana od dana održavanja sastanka, čime su se stvorili uslovi za nastavak procedure oko zaduženja Kantona Sarajevo kod EBRD-a za Projekat izgradnje gradskih saobraćajnica u Sarajevu. Imajući u vidu navedeno potrebno je osigurati efektivnost kredita do kraja jula 2012. godine čime bi se omogućio pravovremeni početak implementacije projekta.

Na osnovu izloženog, Vlada Federacije BiH je, na 54. sjednici održanoj 13.06.2012. godine, prihvatila Informaciju o zajmu Evropske banke za obnovu i razvoj (EBRD) za Projekat izgradnje gradskih saobraćajnica u Sarajevu i utvrdila Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnje gradskih saobraćajnica u Sarajevu, radi upućivanja Parlamentu Federacije BiH i donošenja iste.